

BODO (CODE: 092)
CLASS-X
(April 2021-March 2022)

TERM– II (Answer Key)

SECTION-C
GRAMMAR (20 Marks)

1.

(क) फिन: बर' रावनि ओथाना गासै मोनब्रै। बेफोर जादों- जो आथोन, जोला आथोन, बेसाद आथोन आरो जथुम आथोन।

(ख) फिन: जिब-जिराद, दाउमा-दाउसा एबा मुवा-बेसादनि गाबनाय आरो सोदोबखौ खुगाजों सोलॉनानै बुंनाय सोदोबफोरखौ होनजाब सोदोब बुंनाय जायो। जैरै- दाउखानि गा गा, मावजिनि मेव मेव, दैनि रा-रा बायदि बायदि।

(ग) फिन: **बाथा खोन्दोब** **ओंथि**
आख'-फाख' = होंगो दोंगो
आनि-थानि = राहा मोनि
उसु-खुथु = थाथेरहायै
हालो-दैलो = आलो गोजोन।

2.

(क) फिन: बर' रावनि आथोना गासै मोनब्रै। बेफोर जादों- (i) जोला आथोन, (ii) जो आथोन, (iii) बेसाद आथोन आरो (iv) जथुम आथोन।

(i) जोला आथोन: जाय सोदोब एबा सिनजों हौवा एबा जोला फोलेरखौ दिन्थिनाय जायो बेनो जोला आथोन। जैरै- राजा, बुन्दै, दाम्ब्रा, जाम्बा, नाब्ला बायदि।

(ii) जो आथोन: जाय सोदोब एबा सिनजों हिनजाव एबा जो फोलेरखौ दिन्थिनाय जायो बेनो जो आथोन। जैरै- हिनजाव, रानि, आइ, आब' बायदि।

(iii) बेसाद आथोन: जाय सोदोब एबा सिनजों जो-जोला दिन्थियाबालानो गुबुन मुवा-बेसादफोरखौ फोरमायनाय जायो बेनो बेसाद आथोन। जैरै- हाग्रा, दंफां, माइ, संख्रि बायदि।

(iv) जथुम आथोन: जाय सोदोब एबा सिनजों जो-जोला दिन्थियाबालानो मोनसे हारि एबा फोलेरखौ जयै दिन्थिनाय जायो बेनो जथुम आथोन। जैरै- मोसौ, मानसि, दाउ बायदि।

(ख) फिन:	बाभ्रा फान्दाय	ओंथि
	अन्थाइ बिखा	अननो रोडि
	एम्बु खुगा	जाब्लाबो थोयि
	खर' मोन	बोराइ जा
	थाफ्लि बुद्रां	अलसिया
	गोदोना मान	थैनो लुबै
	नावद्रा बु	बांसाव।

3.

(क) फिन: **मावजाग्रा गोनां थाइजा:** जाय थाइजाहा मावजाग्रा दं बेखौनो मावजाग्रा गोनां थाइजा बुडो। जेरै- *आं बिजाब फरायदों। बियो ओंखाम जादों। लाइसिया सिथला सिबदों।* बेफोर बिदिन्थिफोराव **बिजाब, ओंखाम** आरो **सिथला** सोदोबफोरा **फरायदों, जादों** आरो **सिबदों** थाइजानि मावजाग्रा। बेनिखायनो बेफोर थाइजाया मावजाग्रा गोनां थाइजा। बुंनो थाडोब्ला सोरखौ एबा माखौ होननानै सोडोब्ला जाय फिननायखौ मोनो बेनो थाइजानि मावजाग्रा। बेबादिनो, मा फरायदों-बिजाब, मा जादों-ओंखाम, मा सिबदों-सिथला।

मावजाग्रा गैयै थाइजा: जाय थाइजाया मावजाग्रा गैया बेखौनो मावजाग्रा गैयै थाइजा बुडो। जेरै- *गथवा खारदों। रामा गेलेदों। बियो जादों।* बे मोनथाम बिदिन्थियाव थानाय **खारदों, गेलेदों, जादों** थाइजाफ्रा जेबो मावजाग्रा गैया। गथ'वा मानो आरो बहा खारदों होननानै सोंब्ला बेनि जेबो फिन गैया। बेबादिनो रामा बबेयाव मा गेलेदों ? बियो मा जादों ? बेफोरनि फिननाय जों नागिरना मोना। बेनिखायनो **खारदों, गेलेदों, जादों** थाइजाया मावजाग्रा गैयै थाइजा।

(ख) फिन: थाइजानि खामानिया सिगाडावनो जाखानायखौ फोरमायोब्ला बेखौ जाखां बिदिन्था होननानै बुंनाय जायो।

थाइजानि खामानिया दाबावैसो जादों ना बेसेबांबा सिगाडावनो जाखांलांदों बेखौ बेखौ नायनानै जाखां बिदिन्थाखौ मोननै बाहागोआव राननो हायो। बेफोर जादों-

- (i) दा जाखां बिदिन्था
- (ii) सिगां जाखां बिदिन्था

- (i) **दा जाखां बिदिन्था:** दा जाखां बिदिन्थाया थाइजानि खामानिया दासो एबा बावैसो सिगां जाखांनायखौ फोरमायो। दा जाखां बिदिन्थाखौ फोरमायनो थाखाय बर' रावाव थाइजाजौ –बाय उन दाजाबदाखौ फज'नाय जायो।
जेरै: गथ'वा उन्दु-बाय (उन्दुबाय)।
आं ओंखाम जा-बाय (जाबाय)।
- (ii) **सिगां जाखां बिदिन्था:** थाइजानि खामानिया बुंनायनि बेसेबांवा सिगाडावनो जाखांनायखौ फोरमायोब्ला बेखौ सिगां जाखां बिदिन्था होननानै बुंनाय जायो। सिगां जाखां बिदिन्थाखौ फोरमायनो थाखाय –मोन आरो दौं-मोन बे मोननै उन दाजाबदाखौ थाइजाजौ फज'फानाय जायो।
जेरै: रामा अयोध्यानि राजा-मोन।
आदाया ओंखाम जा-दौंमोन।

SECTION-D
LITERATURE (20 Marks)

- 4.
- (क) फिन: कालिचरण ब्रह्मआ बांला 1267 (इं 1860) मायथाइनि बैसाग दाननि 5 अक्ट'खालि धुबुरी जिलानि सिडाव थानाय टिपकाइनि काजिगामियाव जोनोम मोनदौंमोन।
- (ख) फिन: दौबा सुफुंजासे दैसारी, लाइसारी, मनसारीमोना बिबार खादौं।
- (ग) फिन: मानसिया बे बुहुमनि हा, दै, बार आरो बाइदि बेसादफोरनि मोनसे सोरजिथाइब्लाबो बियो गुबुन जिउ जिरादफोरनि मादाव बारग'सारनायनि नेसौंन आरो बुहुम राइजोनि गसाइ फिसा।
- 5.
- (क) फिन: बिबार खानाय खन्थाइया रुपनाथ ब्रह्मनि दौंसे नेरसोनारि खन्थाइ। बे खन्थाइनि गेजेरजौं खन्थाइगिरिया लाइमोन बैसोआव एबा उन्दै समावनो गियान बुथुमना लानो खावलायदौं। मानोना जिउनि समा बारग'लांब्ला जौं बे बुहुमनिफ्राय आखाइ गोजायै औरैनो थांफिननांगोन। बे खन्थाइयाव गियाति, निमायति, गयति सिखलाफोरा जेरैबादि मोखां सोमहाब सोमहाब गोसो होथाबनानै बिबार खादौं थिग बेबादिनो दैसारी, लाइसारी आरो मनसारीमोनखौबो फारा फारि बिबार खानो

खावलायदों। लोगोसेनो सम थानायावनो गावबा गावनि मावनांगौ खामानिखौ फोजोबनानै समानै दावगालांनो एबा गियान बुथुमनो खावलायदों।

(ख) फिन: अरुनिमा सिन्हाया सासे मोजां भलिबल गेलेगिरि। हादरारि थाखोआव बियो मोजां मुं आर्जिखानानै दोनदों। अरुनिमा सिन्हाया जेब्ला लक्ष्मौनिफ्राय दिल्लीफारसे रेगारियाव फैगासिनो दंमोन बे रेगारियाव जेबो हेंथा गैयालासिनो माखासे दुथांफोरा डाकाइटि खालामगासिनो दंमोन। डाकाइटिफोरा आखाइनि, खोमानि, गोदानानि गहेनाजों लोगोसे जायनि आखाइयाव जेसेबां रां दं बेफोरखौ गथायनो खावलायदोंमोन। अरुनिमा सिन्हाया नाथाय गावनि गोदोनानि मालाखौ गथायनो बुंसेयावबो होनो गोसो खालामाखेमोन। बियो इनायनि सेराव खर' गंगलायनो नागिराखेमोन। बेनि थाखायनो सानै डाकाइटिफोरा फैनानै बिखौ दैखांना लांनानै रेलगारिनि दरजाजों बायजोनि खोमसियाव गारहरनायसै। बै समावनो खाथिथारजों गुबुन गंसे रेलगारि फैगासिनो दंमोन। अरुनिमानि सोलेरा खारबाय थानाय रेलगारियाव सौग्रावनानै मोनसे थयलाबादि गाहायाव गोग्लैलाडो। स्नि घन्टासो सम बियो रेल लामा सेरावनो थाबाय आरो बै समाव बिनि साखाथिजों गं 39 रेलगारि बारलांबाय। बै जाथायाव बियो गावनि आथिं थोंसेखौ अराय समनि थाखाय खोमानानै लानांगौ जादोंमोन।

6.

(क) फिन: खुगाजों खुगा सोलिबोनाय मेथाइफोरानो खुगा मेथाइ। खुगा मेथाइखौ मिलौदो देंखो बोनानै रोजाबनाय जायो। खुगा मेथाइफोरा सुंथाब सुंथाब जायो। खुगा मेथाइफोरा सन्दनि गोरोबलांनायखौ मोजाडै नुसारो।

गोदो गोदाय लिरनायनि हुदा गैयिनि थाखायनो गोबां बर' खुगा मेथाइफोरा खुगाजों खुगा सोलिबोदों। बर' थुनलाइयाबो खुगा मेथाइनि गेजेरजों बेसेबा जौगा थाखोआव गाखोलांनो हासिगौमोन। नाथाय जोबोद दुखुनि बाथादि-जोंनि गेजेराव थानाय खुगा मेथाइफोरखौ दासिमबो मोजाडै ज' खालामनानैबो लिरथुमना दोननो हायाखै। बर'नि गेजेराव खना-खनला गोग्लैना थानाय खुगा मेथाइफोरखौ लिरथुमना दोननो हानायब्ला आरो बेफोरनि सोरजिनाय समखौ दिहुननो हानायब्ला बर' थुनलाइनि जारिमिना बेसेबांबा जौगाखांसिगौ।

खुगा मेथाइखौ फिसा फिसा बाहागोआव रानबावनो हायो। बेफोर जादों-
(क) जोहोलावफोरनि खुगा मेथाइ (ख) हादर सिबिनाय खुगा मेथाइ (ग) हालुवाफोरनि खुगा मेथाइ (घ) गथ' बुरखायनाय खुगा मेथाइ (ङ) गोसो

थोलायनायनि खुगा मेथाइ (च) लावखार गथ'नि खुगा मेथाइ (छ) हाबायाव खनग्रा
खुगा मेथाइ (ज) बैसागोआव खनग्रा खुगा मेथाइ (झ) मैगं खानायाव खनग्रा खुगा
मेथाइ (ञ) जि दानायाव खनग्रा खुगा मेथाइ (ट) खामानि मावनायाव खनग्रा खुगा
मेथाइ (ठ) हादान सिफायनो थांनायाव खनग्रा खुगा मेथाइ। बेफोर खुगा
मेथाइफोरनि गेजेराव गाहायाव दोंनैसो खुगा मेथाइनि सायाव सावरायनो लानाय
जाबाय।

बर' माहारिनि गेजेराव गोबां जोहोलावफोर जोनोम जादोंमोन। नाथाय
बिथांमोननि जिउ जारिमिना जोंनि गेजेराव बिजिरै बिजिरै लिरनाय महराव
मोनाब्लाबो बिथांमोननि गोहो बोलो हाबा-हुखाखौ लानानै सोरजिनाय खुगा मेथाइया
दासिमबो जोबना थाडाखै। आदा बासिराम, दावहाराम, दैमालु, सेवबार, सोमदोन,
तुलाराम, जावलिया देवानमोननि। जेरै-

गराइया दाब्रायदो बासिराम जोहोलाव।

गंगार सुबाया फैलायगौ।

आदा दावहाराम जोहोलाव

नोंबो दावगालांदों

नोंबो मैदेरजों बैस'हैदो।

बिमा बिफाया बहाबा थांनाय समाव गाबबाय थानाय गथ'खौ बुरखायनो
थाखाय बिब' एबा बखालिफोरा बायदि मैया खुगा मेथाइ खननाय आरो उन्दुनाय
समावबो उन्दुलाडि गथ'खौ फुथुनो थाखाय बिमाया अखाफोरनि खुगा मेथाइ एबा
सियालनि खुगा मेथाइ खननायाबो दासिमबो जोबना थाडाखै। जेरै-

आव आगै आव

आयालाय थांदों ना गुरनो

आफाया थांदों मोसौ लायनो

बेफोर बादिनो गुबुन गुबुन आयदानि खुगा मेथाइफोरा बर' हारिनि गेजेराव
गोग्लैसोनानै दं। बे गोग्लैसोनानै थानाय खुगा मेथाइफोरखौ जयै लिरथुमनानै
दोननो हायोब्ला बर' थुनलाइनि स'ना फिथर जागोन।

(ख)फिन: जिउनि अलंबार खन्थाइया मिष्टक सानस्रि बेरखांनाय दोंसे खन्थाइ। बे
खन्थाइयाव खन्थाइगिरिनि इसोर दं होनना फोथायनाय आरो जिवाव इसोरनि
अननाय, बोर मोननो लुबैनाय सानस्रिया रोखायै बेरखांदों।

खन्थाइगिरिया बे मुलुग संसाराव सोरबा सासे बिफा म्हरे जौखौं खांग्रा-बाग्रा
इसोर दं होननानै सानो। बिखौनो अराइबो गोसो खाडो आरो मोननो हास्थायबायो।
दुखुनि समफोराव गाबजिनो बावा। गावनि थेर-बेथेर जालानाय लाथिख' जिउखौबो
गोदानै सुजुफिननो, आबुं खालामनो बिफा गुरुखौं अराइबो अनसायो। बियो जेसेनो
खाथियाव थांनो नाजायो एसेनो बिफा गुरुवा गोजान जायखारो। सम सम दाबो
गाव इसोरनि मेगनाव गोरान्थि खालामनायखौं बियो हमदांनो हायो। मानोना
इसोरखौं मोजां मोनो होननानै बियो समाय लार्दोमोन नाथाय बे समाय लानायखौं
मावफुंनो हायाखै। दाबो सम सम बेरेखाखौंसो मावफ्लाडो। बिफोर गेना-
गोरान्थिफोरखौं फोसाबनो हानायनिबो बियो इसोरनियाव निमाहा बियो।